

Augsburg, 1. November 1556

An Bonifacius Amerbach

UB Basel, G II 28, fol. 120r.

S. P. D. Dies hic octauus est, Clariss[ime] vir, cum Basilius noster saluus et alacer me conuenit. Quatriduo hic exacto in viam se dedit, eumq[ue] literas meas anteuertisse, aut, (si quas vrbes obiter inspicere voluerit) breui consecuturum esse, omnino arbitror, teq[ue] aduentu suo vnicè exhilaraturum, eo quoque nomine, quod honestissimam sui famam in Italia reliquit, et maiorem inde doctrinam retulit, quae ego ex testib[us] minime dubijs accepi. Vtinam verò dominus meus hic fuisse, atque honoris ei aliquid habuisset: quod ego, vt famulus, hero absente facere non potui, praesertim valetudine et negocijs typographicis impeditus. Vale clariss[ime] vir, et si mea opera egueris, pro imperio mecum agito. Nam tantum me virtuti eruditioni et benevolentiae erga me tuae debere intelligo, vt soluendo esse non possim. Iterum vale et cum Basilio nostro te quam diutissime oblecta. Augustae Vindelicorum Cal[endis] Nouembris Anno 1556.

Excellentiae tuae  
Obseruantiss[imus]  
Hiero[nymus] Wolfius.